

清光緒朝中日交涉史料

卷七七之卷七八

光緒卅年東事收電檔

圖書集成醫部全錄

卷一百一十五
醫部全錄

清光緒朝中日交涉史料

卷七十七之卷七十八

民國二十一年九月北平故宮博物院編

翻 印 必 究

定 價 六 角



清光緒朝中日交涉史料卷七七 東事收電檔

百緡(六〇一七)收北洋大臣致軍機處外務部電 四月初一日

據奉探電稱俄由遼陽調兵四千來瀋駐紮海城匪首蘇海亭糾結多人並邀遼陽匪首馮凌閣助日攻俄又東探稱俄員馬待利多夫帶兵六百名山懷仁渡江搶韓槍三百支子彈四箱日兵援擊退回西峒云謹轉達世凱肅東

百緡(六〇一八)收北洋大臣致軍機處外務部電 四月初一日

據遼西探稱日人招匪首金壽山杜預山等在錦州一帶糾黨聚衆謀擾俄軍有聲稱奉官諭辦理者云查俄人耳目甚多如偵知此舉必引兵往捕騷擾地方已電飭署奉錦道陳昭常督飭地方官設法驅逐其捏稱奉有官諭之匪嚴拏究辦以遏亂萌世凱謹肅東

百緡(六〇一九)收駐美梁大臣致外務部電 四月初一日

遵豔電切告外部據稱向信中國能始終守局外現再有此聲明當可息歐洲謠傳有裨大局誠豔

(六〇二一)收駐奧吳大臣致外務部電

四月初一日

奉豔電業經照會奧外部切實聲明德章叩豔

(六〇二二)收駐俄胡大臣致外務部電

四月初一日

豔電悉堅持中立十一接慰帥復電已將宗旨確切聲明外部云此甚可慰當達俄主各使來詢亦向申說並由使署登報辯正訛傳稍息鈞電當再譯交現時吃緊謠言誠關大局使臣默不置辯即非暗許亦類贖贖非敢多事也德豔

(六〇二三)收東海關道致外務部電

四月初一日

二十五日俄馬隊攻韓安州日力戰拒退二十七日日艦駛近大連灣用開花砲轟割斷岸邊電線撈取四處水雷俄將青泥窪廠塢概自炸毀昨由安東大東溝沙河民船來烟華人百餘人稱日兵看待寬和免一月稅商民安堵職道向日領預計俟占青泥窪准我派船往救難民雖未遽允當力與商懇昇稟東

(六〇二三) 收上海路透電

四月初一日
西五月十四號

英法約中所附之詔諭俄國已允認法國以俄國此爲足表其珍重盟誼之情故深感之遂命戴樂開塞轉爲致謝英外部侍郎布羅德里克君云英政府將續遣英兵四小營印度兵四小營攜礮四尊進藏俄皇降諭命借外國款三十二兆鎊以五分行息

(六〇二四) 收上海路透電

四月初一日
西五月十五號

斯坦達在俄京訪事人云現有堅執之傳言謂倭爾叟地方鬧事情形甚重今已殺戮大官一員其人心洶洶之勢迄未稍減若欲內地無震動之虞勢必以兵力征勝方可

(六〇二五) 收奉天府府尹盛京將軍盛京副都統致軍機處外務部電

四月初二日

今晚據統領朱慶瀾稟稱探得匪首馮麟誠杜立山等爲日人招隊二千在廣寧盤蛇驛一帶候攻北軍又金獸山亦招二千人聲稱招齊駐白土廠門專備進攻營海遼倘一旦禍作於局外中立大有妨礙現北軍已有所聞若其藉口調隊遼西必遭其害若不速籌辦法恐

難收拾淮軍與巡警鐵路各隊擬稟北洋請示機宜卑職已飭隊有機可乘即便剿辦惟恐有日人隨從礙難舉兵相向請速示辦法等語該統領所稱有關大局至爲緊要查遼河以西係歸北洋派兵駐紮之地應如何辦理請速示復增廷廷杰鈕楞額二十九日

(六〇二六)收駐法孫大臣致外務部電 四月初二日

艷電悉業向外部確切聲明據云及早聲明以破羣疑有裨大局又謂內地務嚴防土匪起事免生枝節等語數日來見人輒詳加解說法報漸已寂然并陳琦東

(六〇二七)收上海路透電 四月初二日

德國漢布爾葛至美國線路輪船又賣與俄國一艘日本之紐約借款分五次交付俄國公文中明言旅順已有被圍之勢

(六〇二八)收北洋大臣致外務部電 四月初三日

冬電祇悉大沽防範甚嚴北方向不產米俄使稱大沽運米自係誤傳烟台亦屢飭查禁當

無疏忽遵再分飭申禁世凱江

(六〇二九)收北洋大臣致外務部電 四月初三日

冬電祇悉即轉飭陳道遵辦迭據管帶關外鐵路巡警各員稟稱日人近在遼西招集鬍匪甚衆各站巡兵僅數百人兵少路長防範甚難等情查遼西地段俄不肯認作局外自未便加兵協巡俄曾招匪助戰我不能阻日人效尤勢難理論惟有飭該員等加意巡護不准各匪在鐵路左右屯聚如其擾路即協力抵禦格殺勿論是否有當祈裁示世凱肅江

(六〇三〇)收直隸提督致外務部電 四月初三日

冬電謹悉前探聞匪首金壽山等在外招搖即經通飭各營緝拏茲奉前因當再轉飭查禁並嚴拏務獲究辦馬玉崑叩江

(六〇三一)收直督致外務部電 四月初三日

據奉探電稱廿六至廿七日北車運來俄馬步隊共三千五百餘名留瀋一千三百名餘均

南去南車運來步隊三百名北去又廿八日由北調來俄兵八千餘過奉南往遼陽探稱該處四關附近駐俄步兵八千餘馬兵七百餘砲兵六百餘俄將營口炮械各物運至牛莊車站所駐之兵亦僅留十分之二地面各事交該處商會自行管理俄署探稱日軍大隊由大孤山向岫巖前進俄兵退至海城又賽馬集一路有日軍馬兵一隊步砲各一營聞阿提督昨謁將軍驕矜頓減其將佐幕僚憂形於色奉城廓米薩爾現移駐車站云謹轉達世凱江

(六〇三二)收駐韓許大臣致外務部電 四月初三日

艷電謹悉已照會韓日兵取寬甸台身叩江

(六〇三三)收上海路透電

四月初三日
西五月十七號

俄皇現已出京前赴喀爾廓福及吉福二處親送出征軍隊須十日後方能回京奧國所籌水陸各軍經費之數非常之鉅致令都中人詫異且以此等鉅款難籌心中甚覺焦燥各報亦不信奧國中能籌此鉅款

(六〇三四)收駐比楊大臣致外務部電 四月初四日

豔電向外部申明答認中國中立不信訛傳兆鑒江

(六〇三五)收上海路透電

四月初四日
西五月十七八號

法俄聯盟法人有不以爲然者故辦理豫算表事宜之總辦光乃特君當演說時深斥其非並曰東方之國與西方之國相爭法國決不能偏向黃種商魯超司其(譯音人名)在伯代拍斯地方對衆宣言曰遠東之情形甚爲昏暗此戰何時始能了結實難預料戰時違禁貨物既如此之廣各國應詳細商議嚴定章程云云高君並告誡土爾其曰土國現處危險之中若不亟圖改良則必有危險之虞官場信云中國現已諭令駐洋各欽差明告各國政府無論時事如何中國將嚴守局外中立之例英船克母婁斯之水手印度人三名並某德船之水手數名均在克爾倫塔持地方被拿因疑其爲日本之間諜也副提督普樂格電云日本進兵遼東實無定意想日本正軍之所向必在海城以外之某處也

(六〇三六)收北洋大臣致軍機處外務部電

四月初四日

據奉探電稱廿七至廿九日北來俄馬步隊共一千六百餘名留站步隊三百五十名餘均南去南來馬步隊六百餘名北去又南探報稱日軍於廿四日由瓦房店退至三十里堡之東縱俄人逃逸路綫皆通行近聞該軍復佔浦蘭甸路綫仍斷其鳳城日軍已進逼遼境俄敗兵悉集金家口一帶防堵云謹轉達世凱支

(六〇三七)收湖廣總督致外務部電 四月初四日

頃據江漢關道冬電稱准克稅務司函前准函送外務部電日商運鐵一事據總稅務司呈生鐵並各類鑛產倘運往戰場不給准單若運往日俄境內各他處即給准單等因迭次電詢迄未奉總稅務司復電現在鐵廠有鐵鑛運赴日本可否准其出口務於明日見復等語除囑稅司遵照部電外祈電外務部查照前電飭總稅務司電飭該稅司遵辦等語又據該關道江電日商運鐵一事頃復接克稅務司函總恐有違禁令遲疑不敢放行祈速催外務部札行總稅務司電飭該稅司遵照以免耽延等語請查案札行總稅務司電飭江漢關稅司遵辦並祈電復洞講

(六〇三八)收北洋大臣致軍機處外務部電 四月初五日

日京電傳俄提督阿利西夫現已革職云世凱肅歌

(六〇三九)收盛大臣致外務部電 四月初五日

滬領小田切電稱漢口稅司因未奉總稅務司訓條不准礦石出口查貴宮保前奉外務部電開稅司呈擬辦法生鐵並各類礦產運往日俄境內不往戰地即給准單等語漢關辦法不合可否請貴處電咨外務部轉飭漢關照允出口爲盼等因前奉大部鹽電生鐵即可照辦已飭放行漢廠所售礦石卽是總稅司呈擬之生鐵並各類礦產自應准放乞速飭漢關照議辦理以免漢廠虛擱礦本宣懷支

(六〇四〇)收上海路透電 四月初五日
西五月十九號

俄京來信云提督克魯巴金文稱本月十六號見有輜重車輛數隊在蓋平(譯音)軍隊迤南二十五英里之某兩處停歇俟後卽見其向蓋平地方進發在鴨綠統帶俄軍之提督色蘇里赤現已撤去統帶西比利亞第二軍之任繼其任者爲提督克來

(六〇四一)收北洋大臣致軍機處外務部電 四月初五日

四月初二日日軍已進據金州一帶世凱肅歌

(六〇四二)收北洋大臣致軍機處外務部電 四月初五日

蓋平縣探稱初二日有日船五艦在該處沿海一帶向岸放砲轟擊俄守兵約九百人大半退往大石橋日兵尚未登岸該縣甚危云謹轉達世凱肅支

(六〇四三)收北洋大臣致外務部電 四月初五日

前奉冬電當即電牘分飭茲據東海關道何彥昇電稟職關恪守局外關查甚嚴並無米穀出洋情事現仍嚴查弗敢稍懈等語謹聞轉陳世凱微

(六〇四四)收北洋大臣致軍機處外務部電 四月初六日

據奉探電稱二十九至初四日北來俄馬步隊共四千九百八十餘名留站步隊三百名餘

均南去南來馬步隊一千六百三十餘名留站步隊二百六十名餘均北去又初四日調留站馬隊一千二百名入城駐紮遼陽探稱俄由安山站調赴連山關步砲隊共五千名東邊探稱日在沙河子及卓家河所獲俄械留礮外餘皆分給華人云謹轉達世凱魚

(六〇四五)收鄂督致外務部電

四月初六日

前奉冬電當飭江漢關道查禁茲據該關道復稱俄使所稱漢口私運米穀接濟日本一事現准稅司查復俄日開戰後由漢往日僅有三船並無裝運米穀已遵飭囑稅司隨時查禁矣等語謹此奉復至漢口米穀向只准商人照章由此口運至彼口並不許其出洋並聞俄使憑空捏造殊屬無聊之洞肅魚

(六〇四六)收南洋大臣致外務部電

四月初六日

駐寧英領函奉公使轉准外政衙門電駐智利英使電稱訪聞由美國富林洋行代購該國新式快艦二艘一名愛斯馬拉爾載重八千餘噸一名查卡布勾每鐘行二十三海里與華艦海天海圻相若並聞購主係中立國又聞擬即開至中國云該二艦果係中國購辦自屬

事宜惟未聞中國議有此舉請確探立復蓋恐他國有損中立之舉請探明詳示以便立電公使迅復外政衙門云北洋等處有無議購該兩艦之事請迅賜查示以便轉復爲盼肅歌

(六〇四七)收上海路透電 四月初六日

提督克魯巴金致薩克婁夫之公文內詳述日本當進兵遼陽時所佔之某數處現時如何退去并如何退至鳳凰城建築土壘各道路因近來多雨皆泥濘難行與兵部大臣宣明此次軍費大增決非因國政之時局起見實以近時創造之新式礮槍甚多故該國必須添製英外部大臣瀾侯云現已接到俄國復文言本月十一號之公文係專指次等之棉貨而言

(六〇四八)收北洋大臣致外務部電 四月初六日

寧歌電悉北洋未議購船世凱魚

(六〇四九)收北洋大臣致外務部電 四月初七日

據署山海關道陳道昭常電稱頃有營口商會紳董來職署面稟俄監督昨擬將營口地面

交商會看管以便退走該會欲請職道渡河彈壓請示遵前來查俄人所擬交商會看管地面殊非正辦該處係我國疆土設有專官一旦俄人退出無人接辦土匪必乘機擾亂且該埠爲各國通商口岸各國均有關係除電飭陳道督率所屬預備赴營接收外仍請大部迅速照會俄使轉飭駐營俄員與陳道妥商辦理以靖地方商定後希卽示復世凱魚

(六〇五〇)收北洋大臣致軍機處外務部電 四月初七日

據奉探電稱俄員照會將軍請飭遼陽州城官民遷徙作爲戰地將軍未允遼陽探稱俄在該處修土路達開原並將小南門城牆拆毀三處傳聞匪首杜立山在海城縣搶去保甲局槍械該縣及俄兵追至新后子計傷俄兵五人云謹轉達世凱魚

(六〇五一)收北洋大臣致外務部電 四月初七日

據奉天綏中縣程恩榮電稟本月初二華民路成蔭王慶全來縣爲日本人招馬賊隊當將該犯扣留初五日日人內藤順太郎來縣索犯認係伊派查卑縣關外首站在遼河極西折以中立條規據稱已與袁宮保馬宮保議明官不問問確否候速示遵等語當卽電復中國

嚴守中立早經奉旨宣布日本招匪斷無與本大臣暨馬宮保議明之事自係假冒官飭有違禁令仰將內藤差解交津海關道轉送駐津日本領事訊辦路王兩犯既受日人指示應解交錦州陳道會商津海關道訊辦等因合錄全電電請鈞查世凱魚

(六〇五二)收直督致軍機處外務部電 四月初七日

據日人稱月朔日海軍巡船遇霧互碰吉野巡船沉沒又大鐵甲初瀨船在旅順口外誤觸水雷亦沉將士遇救傷亡無多旅口堵塞後大船不能出入俄滅雷艇暨雷艇十數艘仍在口外游弋云世凱謹轉陽

(六〇五三)收北洋大臣致外務部電 四月初七日

據朝陽楊鎮玉書何令厚吾先後報稱俄人名保薄夫帶可薩克人暨華人共十名於初四日經由庫倫起身赴朝聲言欲見厚吾有事商議尙有數人仍住庫倫等語當諭以俄人由戰地入境須詳詢來歷如係戰務中人或攜軍械或無護照均應不准入境倘其闖入照章拘解天津訊辦若係交涉官員仍應妥爲接待事竣催去勿任久留云餘容續達世凱陽